





p. 15*

LETTRES

PATENTES DE
DECLARATION DV

ROY, POVR LA LIBERTÉ

du Commerce en Espagne. (26 mai 1626)

Publiées à Rouen en Parlement, le 29. iour de May 1626,



cartonage

A R O U E N.

DE L'IMPRIMERIE,

De M A R T I N L R M E S G I S S I E R, Imprimeur
ordinaire du Roy, tenant sa boutique au haut
des degrez du Palais.

M. D. C. XXVI.

Avec privilege de sa Maesté.

#21

Case

F

39

.326

1626 firma

LIBRARY



Du vingt-neufiesme iour de May,
mil six cens vingt-six, à Rouen
en la Cour de Parlement.



P R E S lecture Iudiciai-
rement faicte des Lettres pa-
tentes de Declaration du Roy
données à Paris le vingt-
sixiesme de ce mois, Par lesquelles ledict
Seigneur à leuë & osté les deffenses du
Commerce en Espaigne portées par ses
Lettres de Declaration des vingt-neufié-
me Avril & deuxiesme May mil six cens
vingt-cinq, Donné plaine & entiere
main-leuée des saisies cy deuant faictes des
effetz, Vaisseaulx & marchandises

A ij

appartenants aux Espagnols. Voulant que
 tous ses subjectz qui voudront traffiquer
 en Espagne le puissent faire en toute liberté
 & seureté, & y porter des Vins, Toilles,
 Cordages, & toutes autres sortes de mar-
 chandises non prohibées & defenduës ainsi
 qu'ils faisoient auant lesdictes deffenses,
 Fors & excepté les Bledz & legumes,
 dont attendu la disette qui est à present és
 Prouinces de Bretagne, Normandie &
 Picardie, Ledit Seigneur Roy à de nou-
 uveau defendu le transport à peine de confis-
 cation, Oyle le Procureur General du Roy.
 LA C O U R à ordonné & ordon-
 ne que sur le reply desdictes lettres sera
 mis, Quelles ont esté leües, publiées &
 registrées és registres de la Cour, Oy &
 ce requerant ledit Procureur General,
 pour estre executées, gardées, & obseruées
 selon leur forme & teneur : Et ordonné
 que les Vidimus seront enuoyez par les

Bailliages de ce ressort, & Siege general de
l'Admiraulté en la Table de Marbre,
Pour estre aussi leuës, publiées, & regi-
strées en chacun Siege, & aux villes ma-
ritimes Portz & Haures de ceste Pro-
vince. Enjoinct aux Substitutz dudit
Procureur General chacun en son regard
y tenir la main, & aduertir ladicte Cour
des contrauentions. Desquelles lettres
patentes de Declaration la teneur ensuyt.



OVIS

PAR LA
GRACE DE
DIEV, ROY
DE FRANCE
ET DE NA-
VARRE: A

tous ceulx qui ces presentes lettres
verront, Salut. Nous auons cy de-
uant par noz lettres de Declaration
du vingt-neufiesme d'Auril mil six
cens vingt-cinq, faiet deffences tres-
expreses à tous noz subjectz de faire
aucun traffic en Espagne de Bledz,
Vins, Toilles, Cordages, & gene-
ralement d'y mener, conduire, &

transporter n'y achapter aucunes
marchandises de quelque qualité que
ce soit, sur les peines cōtenuës en nos-
dictes lettres, Et depuis encores par
autres noz lettres du deuxiesme de
May ensuiuant, Declaré que nostre
intention estoit que tous les Mar-
chans estrangers qui viendroient
achapter ou eschanger en nostre
Royaume des Bledz, Vins, Toilles
& cordages, où autres marchandises
pour les transporter dehors, ne les
pourroient embarquer ou enleuer
hors de noz Portz, qu'apres s'esire
obligez & donné cautionés mains de
noz officiers de la valeur d'icelles, de
ne les porter point en Espagne à
peine de confiscation, Et par les
mesmes lettres voulu que tous les
effectz, vaisseaulx & marchandises
appartenans aux Espagnols fussent

saisis & arrestez iusques à ce que nous
 en eussions autrement ordonné, Et
 d'autant que toutes leldictes deffen-
 ces de traffic en Espagne & saisies
 faictes des effectz des Espagnols
 n'ont esté fondées que sur les plain-
 tes qui nous furent lors faictes par
 noz subjectz traffiquans en Espagne
 d'une Ordonnance decernée par no-
 stre tres-cher & tres-amé bon frere
 & Beau-frere le Roy Catholique à ses
 officiers, de saisir & arrester en ses
 portz & haures les Nauires, effectz
 & marchandises appartenans à nos-
 dictz subjectz. Maintenant que
 nous sommes aduertis que nostre-
 dict frere le Roy Catholique à reuo-
 qué ladiete Ordonnance, & veult
 restablir & conseruer à l'aduenir de
 sa part la liberté du traffic qui à esté
 cy deuant entre noz subjectz & les
 siens,

siens, Nous voulons aussi apporter tout ce qui sera necessaire de la nostre pour maintenir ledict trafic en l'antienne liberte & seureté. SçA VOIR FA I S O N S ; Qu'ayant mis cét affaire en deliberation en nostre Conseil, où estoient la Royne nostre tres-honorée Dame & Mere, aucuns Princes de nostre sang, autres Princes & Officiers de nostre Couronne, & autres personnes notables de nostre dict Conseil, De l'aduis d'iceluy, & de nostre certaine science plaine puissance & auctorité Royal ; NOVS auons leué & osté, leuons & osons par ces presentes signées de nostre main ; les deffences du commerce en Espagne portées par nosdictes lettres de Declaration des vingt-neufiesme Auiril & deuxiesme de May mil six cens vingt-cinq, Donnée

& donnons plaine & entiere main-
 leuee des faïfies cy deuant faïctes des
 effectz, Vaisseaulx & marchandises
 appartenans aux Espagnols, Vou-
 lons & nous plaist que tous noz
 subiectz qui voudront traffiquer en
 Espagne le puissent faire en toute
 liberté & seureté, Et y porter des
 Vins, Toilles, Cordages, & toutes
 autres sortes de marchandises non
 prohibées & deffenduës ainsi qu'ils
 faisoient auant lesdictes deffences,
 Fors & excepté les bledz & legumes,
 dont attendu la difette que nous
 auons à present en noz Prouinces de
 Bretagne, Normandie & Picardie,
 Nous en auons de nouueau deffendu
 le transport à peine de confiscation.
 SI DONNONS EN MANDE-
 MENT à noz améz & seaulx Con-
 seillers les Gens tenans noz Cours

de Parlements, que ces presentes ils
 facent lire, publier & registrer, & le
 contenu en icelles garder & executer
 chacun endroit soy, Et à noz Pro-
 cureurs Generaulx ou leurs Substi-
 tudz de faire pour l'execution d'icel-
 les toutes poursuites & diligences
 requises. MANDONS aussi aux
 Gouverneurs & noz Lieutenans Ge-
 neraulx de noz Prouinces, Lieute-
 nans generaulx & particuliers aux
 Gouvernemens d'icelles, Gouver-
 neurs particuliers de noz Villes &
 Places, Baillifz, Seneschaulx, Pre-
 uostz, Maires & Escheuins de noz
 Villes, Officiers de nostre Admi-
 raulté, & tous autres noz officiers
 qu'il appartiendra : de tenir la main
 à l'execution de nostre presente De-
 claration, C A R T E L est nostre
 plaisir : En tesmoing dequoy nous

auons faict mettre nostre seal à cesdictes presentes. **D O N N E'** à Paris le vingt-sixiesme iour de May, l'an de grace mil six cens vingt-six, Et de nostre regne le dixseptiesme. Signé, **L O V I S.** Et sur le reply, **P A R L E R O Y.** **P O T I E R.** Et seellé sur double queue d'un grand seal en cire jaulne. Et à costé sur ledict reply.

Leuës, publiées & registrées, Oye & ce requérant le Procureur General du Roy, pour estre executex, gardez, & observez, selon leur forme & teneur. A Rouen en Parlement, le vingt-neufiesme iour de May, mil six cens vingt-six.

Signé, DE BOISLEVESQVE.



